

ӘЛ-ФАРАБИ атындағы ҚАЗАҚ ҰЛТТЫҚ УНИВЕРСИТЕТІ



**«ЭКСПО-2017» – АДАМИ КАПИТАЛДЫҢ ТҰРАҚТЫ
ДАМУЫНЫҢ МЕДИААЛАҢЫ»** атты
республикалық ғылыми-тәжірибелік конференция


МАТЕРИАЛДАРЫ

28 қыркүйек 2015 жыл

МАТЕРИАЛЫ

республиканской научно-практической конференции
**«ЭКСПО-2017» КАК МЕДИАПЛАТФОРМА УСТОЙЧИВОГО
РАЗВИТИЯ ЧЕЛОВЕЧЕСКОГО КАПИТАЛА»**

28 сентября 2015 года



Ғылыми редактор:
ф.ғ.к, доцент С.Медеубек
с.ғ.д., профессор Г.С. Сұлтанбаева

Жауапты редакторлар:
ф.ғ.д., Ш.И. Нұрғожина
аға оқытушы А.Б. Ақынбекова

Техникалық редактор:
А.Б. Толешова

«ЭКСПО-2017» – адами капиталдың тұрақты дамуының медиаалаңы» атты республикалық ғылыми-тәжірибелік конференция материалдары. 28 қыркүйек, 2015 жыл / жауапты ред.: Ш. Нұрғожина, А. Ақынбекова – Алматы: Қазақ университеті, 2015. – 99 б.

ISBN 978-601-04-1658-1

Ғылыми конференция Қазақстанның инновациялық триумфы, технологиялық платформасы саналатын, сондай-ақ елімізді «смарт идеялардың» моделіне айналдыратын «ЭКСПО-2017» тақырыбына арналып отыр.

ЖУРНАЛИСТИКАДА «ЭКСПО – 2017» ЖОБАСЫНЫҢ МЕДИАБІЛІМ БЕРУДЕГІ РӨЛІ

«Көрме елордамызды мүлде өзге қырынан көрсетеді, оны кеңейте және көркейте түседі. Бүгінгі таңда Астанада маңызды нысандар аз салынған жоқ. Алайда, ЭКСПО кешені – мүлде басқа сападағы, ХХІ ғасыр талаптарына толықтай сай келетін технологиялар қолданылатын жоба. Елорда тұрғындары мен меймандары үшін энергетика саласындағы болашақпен қауышудың, ғылыми жетістіктерді көрудің және бой көтерген нысандардың көркін тамашалаудың тамаша мүмкіндігі туады», деді Елбасымыз Нұрсұлтан Назарбаев «Астана ЭКСПО–2017» көрме кешенін салу барысында өткен кезекті бір жиынында [1,76]. Оның бұл сөзіне қосылмау мүмкін емес.

Енді бұл жерде «ЭКСПО–2017» жобасы туралы аз ғана мәлімет беріп кеткен артық етпес.

«ЭКСПО–2017» көрмесін Астанада өткізу туралы шешім 2012 жылы 22 қарашада Халықаралық көрмелер бюросының 152 – Бас Ассамблеясында қабылданды. Көрме 2017 жылы 10 маусым мен 10 қыркүйек аралығында өтпекші. Оған шамамен 100 ел және 10 халықаралық ұйым қатысады деп жоспарлануда. Көрушілер саны 5 млн. адамдай болады деп белгіленді. Көрмені өткізуге байланысты Қазақстан Үкіметі 2013 жылы 15 қаңтарда «Халықаралық мамандапдырылған «ЭКСПО–2017» көрмесін ұйымдастыру және өткізудің 2013-2018 жж. арналған Ұлттық жоспарын бекіту туралы» арнайы қаулы қабылдайды.

«ЭКСПО–2017» көрмесі үшін Елорданың оңтүстік-шығыс бөлігінен 113 га. жер бөлінді. Ал, көрмеге арнап салынатын құрылыс нысандарының жалпы аумағы 174 гектарды құрайды. Алдын ала жобаланған қаражат 3 млрд. долларды құрапты. Кіру билетінің бағасы – 28 еуро, билеттер сатудан 82,3 млн. еуро, демеушілер мен әріптестерден 147,5 млн. еуро, жалпы алғанда 283 млн. еуро найда түседі деп жоспарлануда. Күні бүгінге дейін бұл жобаны іске асыруға 1 млрд. 200 млн. доллар инвестиция құйылды. Көрмені өткізу барысында қонақтарға қызмет көрсетуге 10 мың қазақстандық маман тартылмақшы. Оның 3,5 мыңы баламалы энергия мен озық технология мәселелерін жетік білетін мамандардан іріктелу жоспарда. Бүгінгі күні халықаралық көрмеге қатысты 10 штаб жұмыс істеп отыр.

«ЭКСПО–2017» көрмесінің барлық нысандарын 2016 жылдың желтоқсанында салып бітіп, аяқтау кезек күттірмейтін мәселенің бірі.

Соган байланысты, жұртшылықтың Астанада әлем назар аударып отырған халықаралық «ЭКСПО-2017» көрмесіне қызу да жан-жақты дайындықтың жүріп жатқанынан хабардармыз. Осы көрмеге байланысты Елбасымыздың өзі бұл жобаны ұйымдастыру мен өткізу жөніндегі Мемлекеттік комиссияның сессіні жіті бақылауға алып отырған жайы бар. Тіпті, жақын арада оның құрылыс нысандарын салуға бөлінген қаражатқа қол салып, шашау шығарғандарға қарсы қылмыстық іс қозғау сияқты қатаң шаралар қолданғанына куә болдық. Мемлекетіміздің көркеюінен гөрі жеке қара бастарының қамын ойлаған кейбір сенімді деген азаматтарымыздың өзі мемлекет тарапынан бөлінген бюджетті қалтасына жымқыруы бүгінгі күнгі әділетсіздіктің бір дәлелі болып отыр.

Алайда, жаман айтпай жақсы жоқ, мұндай әлемдік масштабтағы іс шараны ойдағыдай өткізу – Қазақстан үшін үлкен сын және жоғары абырой мен мәртебе.

«Болашақтың энергиясы» деп аталатын адамзат алдындағы ең бір өзекті мәселені қолға алып отырған «ЭКСПО-2017» көрмесіне дүниесінің 100-дей мемлекеті және 10 халықаралық ұйымдар қатынасып, табиғи таза да тиімді электр қуатын өндіру бағытындағы озық жетістіктерді көрсету арқылы мемлекетіміздің даңқын асқақтамақшы.

Бүгінде адамзаттың алдында тұрған ең күрделі мәселе – энергияның жетіспеушілігі мен тапшылығы. Күн энергиясының күш – қуаты және оны Жердегі адамзаттың игілігіне пайдаланудың жолдары мен мүмкіндіктері орасан зор екенін бәріміз біле бермейміз. Керек десеңіз, әлемдік державалардың энергетика рыногында үстемдікке, басымдыққа ұмтылуы, олардың арасында түрлі текерістер мен қайшылықтар тууының бірден бір себебі осында жатыр. Ал, қазір қуат көзі ретінде пайдаланып отырған көмір, мұнай және газ сияқты органикалық отындардың қоры шексіз емес екендігі тағы белгілі. Сондықтан да адамзаттың алдында бүкіл тіршіліктің қозғаушы күші саналатын энергияның табиғи тұрғыдан барынша таза, экологиялық жағынан зиянсыз және мейлінше арзан түрін табу міндеті тұр.

Демек, бізде өтетін «ЭКСПО-2017» көрмесінің «Болашақтың энергиясы» деп аталуының мәні де, маңызы да зор [2,106].

«Қазақстанның адам капиталының сапалық өсімінің басты кепілі – білім беру мен денсаулық сақтау. Білім беру жүйесін жаңғырту жолында біз келесідей шараларды атқаруымыз керек: білім беру